

carunculæ, imo labio adnata, in operculo spurio recurvatur, & prope oculos definit: tertia utrinque incipiens prope rostri apicem, linea recta sub oculis ducta, dein curvatur & ascendit versus verticem; ibi rursus curvatur & jungitur lineæ laterali, pone aperturam branchialem descendenti: connectuntur hæ duæ lineæ laterales sutura transversa, quæ caput à reliquo corpore distinguit.

Membrana Branchioftega, radiis tribus brevibus, validis.

Rictus inferus, lunulatus, seu semiorbicularis, labiis inclusus tenuibus, superiore (ore scilicet clauso) concavo, inferiore convexo.

Caruncula lata, labio inferiori adnata, crassiuscula, carnosa, papillis tecta, oris angulos ambiens, medio in lobos binos profunde divisa.

CORPUS lateribus compressiusculum, at versus abdomen magis compressum, cuneiforme, capite ad caudam sensim attenuatum, tectum squamis minoribus, ovatis, striatis versus caput minimis, pallide argenteis, in quibusdam circa lineam lateralem aureo-rubris.

Linea lateralis recta, dorso parallela, ad caput super aperturam branchialem ascendens.

Anus.